

**«ТАСДЛИҚЛАЙМАН»  
Ўзбекистон Республикаси  
Президент таълим муассасалари  
агентлиги Сурхондарё вилоят ҳудудий  
бўлими бошлиғи  
Танлаш-харид комиссияси Раиси**



**Х.Мамадиев**

**2022 йил 12-октябрь**

**Ўзбекистон Республикаси Президент таълим муассасалари  
агентлиги ҳузуридаги Термиз шаҳар 1-сон ихтисослаштирилган  
мактаб-интернатида соғлом овқатлантиришни аутсорсинг  
усулида ташкил этиш хизматини харид қилиш учун энг яхши  
таклифларни**

**ТАНЛАШ БЎЙИЧА ХАРИД ҚИЛИШ ҲУЖЖАТЛАРИ**

## **I. ИШТИРОКЧИЛАР УЧУН ҚЎЛЛАНМА**

## **1. Энг яхши таклифларни танлаш (Танлаш) предмети**

Ўзбекистон Республикаси Президент таълим муассасалари тизимидаги мактабларда соғлом овқатлантиришни аутсорсинг усулида ташкил этиш юзасидан аутсорсинг хизмати (матн давомида Хизмат деб юритилади).

**Давлат буюртмачиси** – Термиз шаҳар шаҳар 1-сон ихтисослаштирилган мактаб-интернати.

Шартномани бажаришнинг энг яхши шартларига кўра ҳолибларни танлаш, иштирокчиларининг таклифларини баҳолаш бўйича эълон қилинган мезонлар асосида Танлаш харид комиссияси (матн давомида Комиссия деб юритилади) томонидан аниқланади. Комиссия таркиби Буюртмачи томонидан шакллантирилади.

**Танлашнинг чекланган қиймати:** 298 289 632 .13 (Икки юз тўқсон саккиз миллион икки юз саксон тўққиз минг олти юз ўттиз икки сўм) сўм 13 тийин ҚҚС билан бирга;

**Тўлов валютаси** – Ўзбекистон Республикасининг миллий валютаси - сўмда.

**Молиялаштириш манбаи** – бюджет маблағлари ҳисобидан.

## **2. Танлаш доирасида тақдим этиладиган ҳар қандай ҳужжатларнинг (маълумотларнинг) махфийлиги**

2.1. Танлаш иштирокчиларининг таклифларини кўриб чиқиш ва баҳолаш тўғрисидаги маълумотлар, танлаш ўтказиш вақтида ҳам, у тугагандан сўнг ҳам, баҳолаш тартиботига расмий равишда алоқадор бўлмаган шахсларга хабар қилинмайди, қонун ҳужжатларида назарда тутилган ҳолатлар бундан мустасно. Махфий маълумотларни ошкор қилганлик учун Комиссияси аъзолари, ишчи гуруҳлар ва/ёки мутахассислар гуруҳи жавобгар бўлади (Ўзбекистон Республикаси “Давлат харидлари тўғрисида”ги Қонунининг 15-моддаси).

## **3. Танлаш бўйича харид қилиш ҳужжатлари юзасидан тушунтириш бериш**

3.1. Танлаш бўйича харид қилиш ҳужжатлари (матн давоми Танлаш ҳужжатлари) юзасидан сўров юбориш учун иштирокчилар давлат буюртмачисига ёзма равишда қуйидаги манзилга мурожаат юбориши мумкин:

Термиз шаҳар 1-сон ихтисослаштирилган мактаб-интернати

Манзил: Сурхондарё вилояти, Термиз шаҳри, Гулистон МФЙ, Термизийлар кўчаси, 44-Б уй

Тел: +99897-243-06-43

e-mail : \_\_\_\_\_

Масъуллар: Ш.Арипова, Ф.Донаев

3.2. Танлаш ҳужжатлари юзасидан тушунтиришлар бериш бўйича сўров, танлаш иштирокчиси томонидан танлаш таклифларини бериш муддати тугашидан қаида икки кун олдин ёзма равишда юборилиши мумкин. Давлат буюртмачиси кўрсатилган сўров олинган кундан бошлаб икки иш куни ичида тушунтириш жавобини юбориши шарт.

## **4. Танлаш иштирокчиларининг таклифларини тайёрлаш ва тақдим этиш**

4.1. Танлаш иштирокчиси ўзининг танлаш таклифларини тайёрлаш ва тақдим этиш билан боғлиқ барча харажатларни ўз зиммасига олади. Буюртмачи ва Комиссия танлаш натижаларидан қатъий назар мазкур харажатлар учун жавобгар бўлмайди.

4.2. Танлаш иштирокчиларининг таклифлари, унга боғлиқ ҳужжатлар ҳамда иштирокчи ва буюртмачи ўртасидаги барча ёзишмалар ўзбек ёки рус тилларида бўлиши лозим.

4.3. Танлаш иштирокчилари ўз таклифларини электрон шаклда Давлат буюртмачиси томонидан давлат харидлари тизимида (матн давомида - Тизим) жойлаштирилган эълон муддати тугагунга қадар тақдим этишлари мумкин.

4.4. Танлаш иштирокчиси фақат битта таклиф беришга ҳақли.

4.5. Танлашда иштирок этиш учун иштирокчилар танлашнинг чегараланган қийматидан 1% миқдорида закатат ўтказилиши лозим.



## **5. Танлаш таклифига кирадиган ҳужжатлар**

### **5.1. Танлаш таклифи қуйидагилардан иборат бўлади:**

- малакавий саралаш ҳужжатлари (тизим орқали электрон шаклда тақдим этилади);
- техник таклиф (тизим орқали электрон шаклда тақдим этилади);
- нарх таклифи (тизим орқали электрон шаклда тақдим этилади).

## **6. Малакавий саралаш ҳужжатлари**

### **6.1. Малакавий саралаш учун қўйиладиган талаблар:**

-танлаш иштирокчисининг умумий маълумоти ва тажрибаси ҳақида маълумотнома (маълумотнома шакли 1-сонли иловада келтирилган);

-танлаш иштирокчиси қайта ташкил этиш, тугатилиш ёки банкротлик босқичида, буюртмачи билан суд жараёни ёки арбитраж ҳолатида, инсофсиз ижрочиларнинг ягона реестрида мавжуд эмаслиги ҳақида, шунингдек илгари тузилган шартномалар бўйича зарур даражада бажарилмаган мажбуриятларнинг йўқлиги тўғрисида кафолат хати (кафолат хати шакли 2-сонли иловада келтирилган);

-танлаш иштирокчисининг солиқлар ва бошқа мажбурий тўловлардан қарздорлиги мавжуд эмаслиги тўғрисида солиқ органидан олинган маълумотнома;

-иштирокчининг ҳисобида ваколатли орган (хизмат кўрсатувчи банк) томонидан тасдиқланган аутсорсинг хизматлари бўйича камида уч ойлик шартнома суммасига тенг айланма маблағларининг мавжудлиги тўғрисидаги маълумотнома.

-тўғри овқатланишни ташкил этиш юзасидан таомлар тайёрлаш технологияси бўйича камида 2 йиллик иш тажрибасига эга бўлган малакали мутахассислар (муҳандис-технолог, диетолог, гастроэнтеролог, аллерголог, терапевт врач, ошпазлар) малака разрядлари кўрсатилган ҳолдаги маълумотнома;

-иштирокчи томонидан коррупция кўринишларига йўл қўймаслик бўйича ариза.

## **7. Техник таклиф**

7.1. Иштирокчи техник таклиф жадвалининг асл нусхасини, ушбу йўриқномага илова қилинган 3-сонли шаклга мувофиқ расмийлаштириб, тизим орқали электрон шаклда тақдим этиш лозим.

7.2. Таомнома тайёрлашда иштирокчилар Президент таълим муассасалари агентлиги тизимидаги мактабларда тарбияланаётган болаларнинг хавфсиз ва сифатли овқатланишини ташкил этилишига қўйиладиган санитария-гигиена талаблари (0024-22-сон СанҚваН)га қатъий риоя этиши лозим.

7.3. II-бўлим техник топшириқда келтирилган нормативлар ва техник топшириқларга мос келиши лозим. Белгиланган талабларга нисбатан устун таклифлар билан хизматларни етказиб бериш бўйича таклифларга йўл қўйилади. Бунда устун таклифларни мувофиқлиги ва таклифларни қабул қилиш бўйича қарорлар Комиссия томонидан қабул қилинади.

7.4. II-бўлим, теник топшириқда келтирилган нормалар ва техник топшириқларга мос келмаган таклифлар дисквалификация қилинади, техник хусусияти юқори бўлган хизматлар бундан мустасно.

7.5. Танлаш иштирокчиси таклиф этилаётган хизмат бўйича болаларни соғлом овқатлантиришни ташкил этиш юзасидан қўшимча маълумотларни тақдим этиши мумкин.

## **8. Нарх таклифи**

8.1. Иштирокчи нарх таклифини тизим орқали электрон шаклда тақдим этиши лозим.

8.2. Иштирокчи томонидан етказилинадиган озиқ-овқат маҳсулотлари маҳаллий ҳокимият органлари томонидан ҳар ойда тасдиқланган ўртача бозор нархларидан юқори бўлмаган ҳолда, бир овқатланувчига тегишли контингент учун овқатланишнинг тасдиқланган нормасидан келиб чиқиб шакллантирилади (4-сонли шакл).

8.3. Аутсорсер томонидан таклиф этилаётган устама микдорига кўра нарх таклифи шакллантирилиши лозим.

8.4. Бир ўқувчи учун бир кунлик овқатланиш Ҳокимият томонидан тасдиқланган ўртача нарх (тан нархи)дан паст нархда таклиф бериш мумкин эмас.



8.5. Аутсорсинг хизматларига ҳақ тўлаш миқдори – Иштирокчи (аутсорсер) барча харажатларини (солиқлар, ходимларнинг иш ҳақи, транспорт хизматлари ҳамда асбоб-ускуналарни таъмирлаш ва улардан фойдаланиш ва бошқаларни) ўз ичига оладиган **30 фозгача устама ҳақини** (наرخни) белгилаш ҳуқуқига эга.

#### **9. Танлаш таклифининг амал қилиш муддати**

9.1. Танлаш иштирокчисининг таклифлари, танлаш таклифларини қабул қилиш тугайдиган кун сифатида белгиланган санадан бошлаб камида бир ой мобайнида кучда қолиши лозим.

9.2. Айрим ҳолларда комиссия танлаш иштирокчисини таклифини амал қилиш муддатини узайтириш тўғрисида илтимос қилиши мумкин. Бундай илтимос ва унга жавоб хат кўринишида расмийлаштиради.

#### **10. Танлаш таклифларини баҳолаш тартиби**

10.1. Танлаш ўтказиш тўғрисида эълон муддати тугагандан сўнг танлаш таклифларини баҳолаш учун Комиссия танлаш иштирокчилари томонидан тақдим этилган таклифларни ўрганади ва баҳолайди.

10.2. Танлаш иштирокчиларининг таклифларини кўриб чиқиш ва баҳолаш муддати тижорат таклифлари қабул қилиш сўнги куни тугагандан бошлаб ўн кундан ошмаслиги керак.

10.3. Иштирокчилар томонидан тақдим этилган электрон таклифда барча ҳужжатларнинг мавжудлиги ва тўғри расмийлаштирилганлиги текширилади. Талаб этилган ҳужжатлар тақдим этилмаган тақдирда, Комиссия ушбу таклифни рад этиш ҳуқуқига эга.

10.4. Комиссия танлаш ғолибини аниқлаш учун рад этилмаган таклифларни танлаш ҳужжатларида белгиланган мезонларга кўра баҳолайди.

10.5. Агар танлаш иштирокчиси томонидан тақдим этилган ҳужжатларда сохта маълумотлар аниқланса, Комиссия ушбу иштирокчини танлашдан четлаштиради.

10.6. Танлаш таклифларини баҳолаш ва танлаш ғолибини аниқлаш танлаш ҳужжатларида белгиланган мезонларга асосан амалга оширилади (5-илова).

10.7. Иштирокчининг тақдим этган таклифи танлаш ҳужжатлари белгиланган талабларига жавоб бермаса, Комиссия таклифни рад этади.

10.8. Тижорат таклифларини баҳолаш жараёнида Комиссия танлаш иштирокчиларидан уларнинг таклифларига нисбатан тушунтиришлар сўраши мумкин. Ушбу жараён белгиланган тартибда расмий ёзма равишда танлаш ташкилотчиси орқали амалга оширилади. Тушунтириш жараёнида таклифнинг моҳиятига, шунингдек наrxнинг ўзгаришига йўл қўйилмайди.

10.9. Танлаш ҳужжатлари ва таклифларида кўрсатилган мезонларга асосланиб шартномани бажариш учун энг яхши шартларни таклиф қилган (энг кўп балл олган) танлаш иштирокчиси ғолиб ҳисобланади.

10.10. Таклифларни кўриб чиқиш ва баҳолаш натижалари таклифларни кўриб чиқиш ва баҳолаш баённомасида қайд этилади.

10.11. Таклифларни кўриб чиқиш ва баҳолаш баённомаси Комиссиянинг барча аъзолари томонидан электрон шаклда имзоланади.

10.12. Таклифларни кўриб чиқиш ва баҳолаш баённомаси эълон қилинганидан сўнг, танловнинг ҳар қандай иштирокчиси буюртмачига танлаш натижаларига ойдинлик киритиш тўғрисида сўров юбориш ҳуқуқига эга. Буюртмачи бундай сўровни олган кундан бошлаб уч кун иш куни мобайнида иштирокчига тегишли тушунтиришларни тақдим этиши шарт.

#### **11. Иштирокчиларни малакавий саралашдан ўтказиш тартиби**

11.1. Танлашда иштирок этиш учун малакавий саралаш ўтказилганда танлашнинг куйидаги иштирокчилари четлаштирилади:

белгиланган муддатда малакавий саралаш учун барча талаб этилган ҳужжатларни тақдим қилмаган;

шартнома тузишга ваколатли бўлмаган;

солиқлар ва бошқа мажбурий тўловлардан қарздорлиги бўлган;

қайта ташкил қилиш ёки банкротлик босқичида бўлган;

тугатиш босқичида бўлган;

давлат буюртмачиси билан суд ёки ҳакамлик муҳокамаси ҳолатида бўлган;

инсофсиз ижрочиларнинг Ягона реестрида бўлган;



давлат буюртмачиси билан аввал тузилган шартномалар бўйича зиммасига олинган мажбуриятларни тегишлича бажармаган;

умумий овқатланиш хизматида камида икки йиллик тажрибага эга бўлмаган;

тўғри овқатланишни ташкил этиш юзасидан таомлар тайёрлаш технологияси бўйича камида 2 йиллик иш тажрибасига эга бўлган малакали мутахассислари (муҳандис-технолог, диетолог, гастроэнтеролог, аллерголог, терапевт врач, ошпазлар) бўлмаган;

аутсорсинг хизматлари бўйича камида уч ойлик шартнома (танлаш таклифи тақдим этилган лот ёки лотлар) суммасига тенг айланма маблағлари мавжуд бўлмаган;

муассислари битта юридик ва жисмоний шахслар бўлган иштирокчилар.

11.2. Инсофсиз ижрочиларнинг Ягона реестрида бўлган танлаш иштирокчилари тўғрисидаги маълумотларни олиш учун давлат буюртмачиси махсус ахборот порталига мурожаат қилади.

11.3. Малакавий саралашдаш ўтказиш ёки ўтказишдан рад этиш тўғрисидаги қарор Комиссия аъзолари томонидан қабул қилинади.

## **12. Шартномани имзолаш**

12.1. Танлаш ҳужжатининг III-бўлимида келтирилган шаклга мувофиқ танлаш иштирокчиси билан 10 (ўн) кун мобайнида танлашнинг ҳолиб бўлган иштирокчиси давлат буюртмачиси билан тегишли шартномани имзолаши лозим.

12.2. Танлаш ҳолиби танлаш шартлари асосида шартнома тузишдан бош тортган ҳолларда шартнома тузиш ҳуқуқи захира ижросига ўтади. Бунда захира ижросиси танлаш ҳолиби таклиф қилган нархда шартнома тузиши мумкин ёки шартнома тузишдан бош тортиши мумкин.

12.3. Миқдорий, сифат ва техник параметрлари бўйича шартномани бажармаган танлаш ҳолиби конун ҳужжатлари ва/ёки шартномада назарда тутилган тартибда жавобгар бўлади.

## **13. Танлашни ўтказилмаган деб эълон қилиш**

13.1. Танлаш қуйидаги ҳолатларда Комиссия томонидан танлаш ўтказилмаган деб эълон қилиниши мумкин:

танлашда битта иштирокчи иштирок этган ёки биронта иштирокчи иштирок этмаган бўлса;

таклифларни кўриб чиқиш натижалари бўйича Комиссия барча таклифларни рад этган бўлса;

фақатгина битта таклиф танлаш ҳужжатлари талабларига мувофиқ келса танлаш ўтказилмаган деб топилади.

Танлаш талабларига доир бирор ўзгартириш киритиш зарурати пайдо бўлганда Комиссия асосларни келтирган ҳолда тегишли қарорни қабул қилади.

**Соғлом овқатлантиришни аутсорсинг усулида ташкил этиш бўйича аутсорсинг  
хизмати кўрсатиладиган мактаб ҳақида**

**МАЪЛУМОТ**

Лот т/р	Хизмат кўрсатиладиган мактабнинг номи	Манзили	Жами ўқувчилар сони*	Овқатланиш маҳали	
				5 маҳал	2 маҳал
1	Термиз шаҳар 1-сон ихтисослаштирилган мактаб-интернати	Сурхондарё вилояти, Термиз шаҳри, Гулистон МФЙ, Термизийлар кўчаси, 44-Б уй	456	180	276

\*Изоҳ: Ўқув йили давомида янгидан синфлар очилганда ёки ёпилганда ва бошқа сабабларга кўра ўқувчилар сони ўзгариши мумкин.

**Президент мактабларида овқатланиш нормалари,  
энергетик қуввати (оқсил, ёғ, углеводлар)\***

№	Маҳсулотларнинг тури	Озуқа моддалар ва энергия миқдори				
		кунлик нормаси, г	оқсиллар, г	ёғлар, г	углеводлар, г	ккал
1	Витамин ва минераллар билан бойитилган 1-навли бугдой унидан нон	400	30,4	3,6	199	904
2	1-навли бугдой уни	35	3,71	0,45	25,55	114,63
3	Крахмал	3	0,003		2,38	8,97
4	Ёрмалар, макарон маҳсулотлари, шу жумладан, мош -5 гр	70	7,49	0,21	51, 94	233,1
5	Шакар	40	-	-	39,9	159,6
6	Қандолат маҳсулотлари	25	1,85	2,5	19,05	101,5
7	Сариёғ (сигир сутидан тайёрланган)	50	0,3	41,25	0,45	374
8	Ўсимлик мойлари	20	-	19,97	-	179,8
9	2,5–3,2 фоиз ёғли табиий сигир сuti	300	8,4	9,6	14,1	174
10	Қатик	200	5,6	6,4	8,2	112,8
11	15 фоизли ёғли сметана	15	0,42	3	0,48	30,9
12	9 фоизли ёғли творог, кислоталиги 150 °Т	50	8,35	4,5	0,65	78,0
13	Қаттиқ турдаги пишлок	15	3,51	4,5	-	55,65
14	I категорияли мол, қўй, парранда ва қуён (сарпанжа, курак, сончанок, филе, бўйин қисми) гўшти	160	21,24	13,38	-	211,2
15	Балиқ	100	6,8	0,6	-	30,0
16	тухум (дона)	1	5,0	5,52	0,32	62,8
17	Картошка	350	7,0	0,35	68,95	290,5
18	Сабзавотлар, шу жумладан, помидор пастаси (3 гр)	450	8,1	-	24,3	126
19	Мевалар, янги узилган резаворлар, витаминлар билан бойитилган ичимликлар	300	1,2	-	33,9	138,0
20	Курук мевалар (туршак, майиз, кўксултон, олма, наматак)	30	0,96	-	20,4	81,9
21	Чой	0,5	0,1	-	0,03	0,545
22	Какао	5	1,2	0,85	1,35	18,65
23	Йодланган ош тузи	5	-	-	-	-
24	Хамиртуруш	1	0,12	0,004	0,083	0,85
<b>Жами:</b>			<b>121,753</b>	<b>116,684</b>	<b>419,193</b>	<b>3487,395</b>



\*Изоҳ: Президент таълим муассасалари агентлиги тизимидаги мактабларда тарбияланаётган болаларнинг хавфсиз ва сифатли овқатланишини ташкил этилишига қўйиладиган санитария-гигиена талаблари (0024-22-сон СанҚваН)га мувофиқ кўрсатилган

4- сонли илова

### Нарх жадвали

№	Хизмат тури	Ҳокимият томонидан тасдиқланган ўртача нарх (тан нархи)	Устама миқдори максимал	Жами сумма
1	Бир ўқувчи учун бир кунлик овқатланиш харажати 5 маҳал	46144,5	25%	57680,6
2	Бир ўқувчи учун бир кунлик овқатланиш харажати 2 маҳал (45%)	20765,0		25956,3

**Изоҳ:** \*- Аутсорсер томонидан таклиф этилаётган устама миқдорига кўра нарх таклифи шакллантирилиши лозим.

**Эслатма:** Бир ўқувчи учун бир кунлик овқатланиш Ҳокимият томонидан тасдиқланган ўртача нарх (тан нархи)дан паст нархда таклиф бериш мумкин эмас!!!

### Танлаш иштирокчиларининг таклифларини баҳолаш тартиби ва мезонлари

Танлаш иштирокчиларининг малакасини баҳолаш Харид комиссияси томонидан амалга оширилади. Таклифнинг малакавий қисми учун умумий бериладиган балл 20 баллни ташкил этади. Иштирокчи томонидан талаб этилган маълумотлар тақдим қилинмаган бўлса, Комиссия уни танлашда иштирок этишга йўд қўймаслик ҳуқуқига эга.

#### 1. Дастлабки малакавий баҳолаш мезонлари

№	Мезон	Изоҳ	Баҳолаш
1	Танлаш иштирокчисининг умумий маълумоти ва тажрибаси ҳақида маълумотнома	Ҳа / Йўқ (иштирокчининг маълумотномаси асосида баҳоланади)	Тажриба 2 йил ва ундан ортиқ – 5 балл Тажриба 2 йилдан кам (ёки маълумот тақдим этилмаган) – 0 балл
2	Танлаш иштирокчиси қайта ташкил этиш, тугатилиш ёки банкротлик босқичида, буюртмачи билан суд жараёни ёки арбитраж ҳолатида, инсофсиз ижрочиларнинг ягона реестрида мавжуд эмаслиги ҳақида, шунингдек, илгари тузилган шартномалар бўйича зарур даражада бажарилмаган мажбуриятларнинг йўқлиги тўғрисида кафолат хати тақдим этилганлиги	Ҳа / Йўқ (иштирокчининг кафолат хати асосида баҳоланади)	Ҳа – 5 балл Йўқ (маълумот тақдим этилмаган) – 0 балл
3	Танлаш иштирокчисининг солиқлар ва бошқа мажбурий тўловлардан қарздорлиги мавжуд эмаслиги тўғрисида солиқ органидан олинган маълумотнома	Ҳа / Қарздорлик мавжуд (иштирокчининг кафолат хати асосида баҳоланади)	Ҳа – 5 балл Қарздорлик мавжуд (ёки маълумотнома тақдим этилмаган) – 0 балл
4	Иштирокчи томонидан коррупция кўринишларига йўл қўймаслик бўйича ариза тақдим этилганлиги	Ҳа / Йўқ	Ҳа – 5 балл Йўқ (маълумотнома тақдим этилмаган) – 0 балл

#### 2. Таклифнинг техник қисмини баҳолаш

Таклифларнинг техник қисмини баҳолаш Танлаш ҳужжатларига асосан, Комиссия томонидан (зарур ҳолларда мутахассис жалб қилган ҳолда) амалга оширилади. Таклифнинг техник қисмида иштирокчи томонидан тақдим этилган намуна баҳоланади. Техник таклиф учун бериладиган умумий балл 60 баллни ташкил этади. Техник баҳолашдан ўтмаган (баллар натижаларига кўра 40 балл ва ундан кам балл тўплаган) Танлаш иштирокчиларининг таклифлари кейинги кўриб чиқишдан рад этилади.



### Техник баҳолаш мезонлари

№	Мезон	Изоҳ
1	Техник топшириқ талабларига мувофиқ тақдим этилган 10 кунлик таомномага кўра энг юқори балл билан баҳоланади	Максимал бериладиган балл – 60 балл Техник таклиф (10 кунлик таомнома) тақдим этилмаса - 0 балл
	Озуқа моддалар ва энергия миқдори:	
	Оксиллар (121,753 гр.)	Мувофиқ – 10 балл/ Мувофиқ эмас – 0 балл
	Ёғлар (116,684 гр.)	Мувофиқ – 10 балл/ Мувофиқ эмас – 0 балл
	Углеводлар (419,193 гр.)	Мувофиқ – 10 балл/ Мувофиқ эмас – 0 балл
	Килокалория (3487,395 ккал)	Мувофиқ – 10 балл/ Мувофиқ эмас – 0 балл
	Тавсия этилмайдиган озиқ-овқат маҳсулотларидан фойдаланганлик	Фойдаланилмаган – 20 балл 1 дан 3 тагача ҳилдаги маҳсулотлардан фойдаланилган – 10 балл 3 дан кўп ҳилдаги маҳсулотлардан фойдаланилган – 0 балл

### 3. Таклифнинг нарх қисмини баҳолаш

Харид комиссияси томонидан таклифларнинг нарх қисми иштирокчиларнинг электрон тижорат таклифлари асосида тизим томонидан автоматик тарзда амалга оширилади. Таклифнинг нарх қисми учун максимал бериладиган балл 20 баллни ташкил этади. Энг паст нарх/қиймат энг юқори балл билан баҳоланади. (максимал балл индикаторнинг минимал кўрсаткичга берилади)

### 4. Таклифларни комплекс баҳолаш

Таклифларни комплекс баҳолаш харид комиссияси томонидан олинган қуйидаги маълумотлар натижаларига асосланган ҳолда амалга оширилади.

- 1). Техник-малакавий қисмини баҳолаш;
- 2). Нарх қисмини баҳолаш

№	Мезон		Барча тоифалар бўйича умумий баҳолаш 100 балл
1.	Техник-малакавий қисмини баҳолаш		80 балл
	1.1	Малакавий қисм	20 балл
	1.2	Техник қисм	60 балл
2.	Нархни баҳолаш		20 балл
	2.1	Нарх қисми	20 балл